


河汾諸老詩集一之八




				漢書門
		一	二	
		八	四	
		〇	六	
八	〇	〇	六	類
冊	架	函	號	

				漢書
		一	二	
		〇	四	
		〇	六	
〇	〇	〇	六	類
架	冊	號	類	

內閣文庫	
番號	漢 11456
冊數	8 (5)
函號	363 210

詩詞雜俎 五



河汾諸老詩序

淺草文庫

金源氏自興之以後與元日尋干戈士生其間形
之聲詩類多感慨悲歎之語亦其時之使然也若
太原元遺山值金亡不仕為河汾侶正學麻貽溪
張石泉房白雲陳子京子颺段克己成己曹允齋
諸老與遺山游從宦寓中一時雅合以詩鳴河汾
大德間房公祺編集成帙今所傳者是也遺山之
文為一代宗工別有集行於世房公獨取諸老當

金元混擾困鬱之中其詞藻風標如層峯盪波金
堅玉瑩絕無突禘脂韋之習纖靡弛弱之詞河汾
之士真且尚哉侍御沁水李公叔淵企仰鄉賢出
是集以畀開封同知謝侯景星刊行將以正士氣
嚴禮防以興起嵩洛之士罔俾河汾諸老專其美
也天下之士聞之誦之寧不惕然有所感耶

弘治十一年秋八月吉旦中憲大夫河南按察司
副使護澤車璽識

河汾諸老詩集後序

近代詩人遺山元先生為之冠先生太原人太原
境與平陽接河山勝槩地土所宜習俗所尚古今
人物不殊至如師友淵源文章正脈略與之等故
河汾間諸老與天下人材無讓麻貽溪與元老詩
學無慙古文出其右公言也張石泉房白雲與元
老游從南著子颺子京二陳昆仲與元老或詩或
文數相贈遺者遯菴菊軒有稷亭二段之目與元

老相次登第者曹允齋與元老同為省掾日以文
詩講議者或曰允齋雲中應人也吾子列河汾之
間得無附會歟不然允齋之先誠應人自容汴梁
北渡居平陽者三十餘年發明道學為文楷式指
授後進桃李光輝盈溢其門或教授鄉里或宦達
四方有二子叔舉季行文筆亦盛傳而况狀元王
公趙城人曹之外又也允齋生而隱德光輝汾晉
沒而立壠在焉豈非吾鄉先生歟夫諸老之詩有

深而冲澹如陶柳者有豪放如李翰林劉賓客者
有輕俗近雅如元白者有對屬切當如許渾者有
騷雅與義古風大章浸入于杜艸堂之域者往年
吾友楊君仲德議成此集不幸早世仲德有云不
觀遺山之詩無以知河汾之學不觀河汾之詩無
以知遺山之大小不觀遺山河汾之作不知唐人諸
作者之妙不觀唐人之作不知三百篇六義之深
意予今纂錄自貽溪至允齋凡八人得古律詩二

百一首號曰河汾諸老詩集皞：郝先生序文於前其備不肖繼言于後才識淺陋不能盡其蘊雖然吾鄉學者如林有能慕河汾之派觀是集者知所興起云大德辛丑歲二月望日橫汾隱者房祺序

河汾諸老詩集者迺大同路儒學教授房先生之所編也予一日得之惜乎諸老一代高名百年清氣已嘗過白于天下是集未嘗流布也皇慶癸丑夏特命工鋟木以廣其傳然而諸老之學又豈專乎詩也出處大略已具前序今書是說以告夫後之學者不為無益云六月吉日尊賢堂高昂霄具白

河汾諸老詩集目錄

貽溪麻先生革信之

上雲內帥賈君

短歌行送薛微之

阻雪華下

端潛堂為劉京叔賦

守約齋為呂仲和作

楊將軍洞馬圖

題李氏寓酒軒

盧山兵後得房希白書

晚步張鞏田舍
板橋道中

過陝
為王德新壽

為秦人梁帥壽
送申生取新

寄杜仲梁
寄元裕之

竹林院全張之純賦

中書大丞相挽詞
密國公挽詞一首

王子壽生朝
送李端卿之鄴臺

為喬子春壽
贈劉伯威

贈王明伯
秋夜感懷

趙太監降日
雲中夜雨

渡洛
浩浩

石泉張先生字彥誠

送趙宜之婦辛安
雌雞行

雲溪秋泛圖為閻國寶賦

采蓮曲
哭姪

感懷

平蕭同知

上巳日遊平湖

送田茂卿赴都

和李子微邨居

送李仲暉之洛西

送馬德新

贈皇甫德璋

和劉敏之韻

秋日出郭

和李濟夫韻

荆公

襄陵北城溪坐

閑述

默軒陳先生賡子颺

遊龍祠

峴山秋晚圖

子猷訪戴圖

鍊拄杖

武善夫桃源圖

送李長源

寄楊正卿

西庵

宣宗挽詞

寒食祀墳臨晉

送寇輔臣

蒲中八詠為師崑卿賦

蒲津晚渡

震坂曉行

舜殿薰風

首陽晴雪

東林夜雨

西崑疊嶽

嫵汭夕陽

王官飛湍

陳先生庾子京

送麻信之內鄉山居

弔麻信之一首

荅楊煥然二首

清明後書懷

送孟駕之赴關

病後贈姚仲寬居士

懷家兄子颺

贈李彦誠

峴山秋晚圖

題師崑卿蒲中八詠

白雲子房先生皞希白

江上行

賣劍行贈韋漢臣

扣角歌贈史吉甫

貧家女

送王升卿

題呂仙亭

寄呈岳陽諸友

張信之見山堂

王鼎玉生子

戊子

寄段成之

次韻寄王升卿

辛卯生朝呈郭周卿段復之

贈趙山甫

哭楊升能

次李正甫九日韻

憶新墻劉德淵

思隱

寄王文炳

和楊升能之字韻

丙申元日

辛丑巳東元日

秋夜

自遣

別西湖

題張濟之勝覽軒

讀杜詩

春日觀菜

遜庵段先生克己復之

乙巳清明遊青陽峽

題興公靜樂庵
冬夜自適

中秋二首

雲中暮雨

憶梅

與隱之會午芹精舍

楸花

荀軒段先生成已誠之

題容安堂

題靜樂堂

蘇氏承顏堂

秋暮山行圖

送孫仲文行臺之召

醒心亭

送尋正道

三堂王自寫真

秦得真墨

送馮資深西歸

嗅梅

明皇小決圖

如夢庵

雲坂曉行

首陽晴雪

書蒲中八詠後

允齋曹先生之謙益甫

送梁仲文

感寓

變白頭吟

閑中作

東坡赤壁圖

風雪障面圖

秋日雜詩

寄元遺山

懷李仁卿

麻信之為壽

送王仲通

上巳日感懷

白菊

紅葉

北宮

種德園

寄鄉中故人

送侯君美歸雲中

自趙城還府

讀唐詩鼓吹

弔王內翰從之

上韓應州

憶劉京叔

宿雲臺觀

中條阻雨

初秋雨後

九日

鴈

幽居有感

秋風亭故基

除夜

送李郭二子還鄉

中書耶律公挽詞

廟學釋奠

李端卿東行

子猷訪戴圖

梅影

秋夜

臨潼溫泉

長安早發

秋夜聞笛

廢宮

過茹越嶺有感

蒲津晚渡

冀坂曉行

河汾諸老詩集目錄

河汾諸老詩集卷一

橫汾隱者房祺編

貽溪麻先生革信之

上雲內帥賈君

北極長虹掣西垣太白高千年知運圯四海共兵
 塵霧黑龍蛇鬪山昏虎豹嗥石傷填海羽波動負
 山鰲遺介潛寒渚驚鼯走夜牢江山留慘黯天地
 入焠蒿衆折思枝柱初寒俟蠶繅明良逢慶會鄉

曲得名豪梁棟因人出餘艘為世操安流欣鼓枻
奔浪獨能篙日出戈揮景江翻弩射濤風聲連頰
洞裁鑿悉纖毫桃李勤封植茅管日薙薶獵場游
麋鹿魚渚動鱗魴井邑生春色禾麻飫土膏民歌
烏遶屋士喜馬騰槽朔塞閑刁斗天山擁節旄
嵩何落落江漢自滔滔大寶珠仍壁長城雉與壕
崇牙分檠戟大壤屬韃橐日月依龍德風雲挾豹
韜夾山群戰騎黑水泳輕舸落日觀魚浦秋風射

雉臯化行家置塾後簡里停馨歌奏投壺室文閑
治獄曹西庵談性理東閣會竒髦森爽開瓊琥縱
橫列雁羔禮容新泮宇物性遂莊濠牧唱聞朝起
樵音聽暮號孤嬰收坎阱流滯起蓬蒿屢下陳蕃
榻誰空北海醪邵軍敦禮樂曹館富風騷客望龍
門聚雛從鳳穴翺世知三窟隘人可二天迤雨露
承恩命山河襲世勞功名高衛霍輔弼慕伊咎鞍
馬憐髀肉簪纓視鬢毛雅申張仲德頌入魯侯昭

有客傷淪落無堦罵鬱陶太行雲幕代北雨溼
溼去國心將折懷人首獨搔身如伏櫪驥情似失
林猿涸轍將安往窮途况所遭幸今逢匠石直欲
啖醜糟忖己誠無有登門亦已叨沐薰良倫至感
激欲號咷已客馮驩舍猶傷范叔袍鳴須開匣劍
割欲試鉛刀杞梓容山木包羞薦沼芎每思休困
頓佳蔭有蘭慕

送杜仲梁東游

仲梁先稱善夫

野馬何決驟飛雲何悠颺商晶不足稽此士又欲
東略宋與梁青山不知老白日乃許忙菊潭之水
清泠淵野人飲之得長年芳釀不買壽淡泊差可
久北山峩々蒼翠巔丹崖石老生紫烟靈芝秋杞
老霜骨黃精茯苓飽新斲望君蘄々病以癯酌之
食之可以還膚腴况有劉荊州元丹丘子寧舍之
汗漫遊涼秋佳月酒一杯送子東下心徘徊半山
亭前一茅屋歲寒霜勁君當來

短歌行送秦人辭微之赴中書

河流宿層氷山有太古雪翩。有客來老面黑於
鐵盤。胃臆間猶挂太華月不肯下貴勢便欲叫
雙關朔寒衣裳單路遠馬蹶躓普人丈夫事肝膽
不可越我歌送君行歌聲何激烈悲風為我起酒
行歌半闕望君青雲端何恤遠離別

關中行送李顯卿

關中行我持一盃酒送君西入秦秦川鬱相望渭
水流注。黃河中折倏復來太華倚天青壁開我
送君芳渺何許春風不肯吹君迴舉酒酌五陵浩
歌登高臺終南之山何崔嵬長安舊遊安在哉百
年繁華成劫灰千古英雄沉草萊風塵瀕洞豺狼
墓天地茫。入烟霧我載歌送君去太華終南宜
有深絕處崑崙人跡所不到石壁蒼苔老煙雨草
堂挂女蘿充腹多薯蕷玉井蓮開十丈花茯苓根
結千年樹白雪青松良可老鹿門有龐商有皓不

然凌雲學輕舉呼取安期羨門語憶昨與君友相
逢白日酬杯酒酒闌起舞肝膽開小桃唱罷歌楊
柳晉語狎秦癩秦談驚晉叟秦晉之交那可無胡
為不作雙飛鳧碧草離離生早春哀歌望斷西南
雲求君於終南之上不可得太華峰頭會見君

阻雪華下

愛山久成癖得山真雋永太華隔風塵五年夢幽
境傳聞十丈蓮擬扣玉仙井雪花忽迷漫蒼巔隨

昏暝蹇予世緣深方外久自屏意是希夷君俗駕
踈造請行、風撼林稍、雲度嶺雲間三峯而隱
約露芒穎初如灑瀕堆屹起勢奔猛漸如倚天劍
萬仞鐵花冷烟霞半明滅瞬息變光景乃知造物
心相哀亦相警歸鞭晚忽、回首心耿、浩歌夜
深寒孤月挂峰頂

置酒半山亭

得秋字

懷抱久不寫兀坐如熱囚永懷西山勝浩蕩成茲

遊崑壑互窈窕叢蘿鬱深幽飛烟入虛無長風跨
崑丘楚甸散林莽商顏亦綢繆雷雨天地空景氣
入夜浮沉當節律變萬物颯以秋雲來白日慘天
澹清江流西望渺關河沉沉生暮愁蘭苕暗幽谷
芰荷老芳洲一笑舉酒觴浩歌聊自酬幽賞興未
極慨歎心悠悠世事蒼茫外寒沙明白鷗

歸潛堂為劉京叔賦

逃淵魚深處避弋鴻冥飛古來賢達士亦復歌采

薇南山先廬在兵塵悵睽違山空無人居惟見草
木肥翩然千歲鶴一朝復來歸新築臨渾水行途
窈以微清流鳴前除白雲入晨扉廻顧陵谷遷萬
事倏已非著書入理奧得句窮天機前路政自迫
此道倘可幾毅勤抱中璧龜勉留餘輝第恐遯世
志還負習隱譏永懷泉上石一觴與君揮惜無凌
風翰遐舉非所希

守約齋為呂仲和作

讀書不務博造道當入微一理貫萬理一岐會衆
 岐譬彼庖丁刀騫然解牛時節間即有得旨緊寧
 復疑道喪向千載聖遠孰可期養勇敵所愾養氣
 動以随心非安如山遇變鮮不移吾門有聖學觀
 心乃其師宴坐一室中自得寔在茲胡為滯紛惑
 紉繹如蠶絲人生矧多欲事物日以滋牛羊踐在
 蹊虎豹攻藩籬我嘗叩天理誠明不容欺第恐達
 者事還為狷者嗤

楊將軍坭馬圖

古人相馬不相肉画工画馬亦画骨淡々生綃一
 片雲眼中群龍何突兀飛莧汗血天驥種筆墨之
 間見飛動前趨後逐互有態涉嚙行留兮向背豐
 草長林性本真駟々駟々相與馴開元天子盛監
 牧四十萬匹錦繡屯人言息馬戰所重風鬣霜蹄
 惜無用君不見幽燕飛鞚時中原流血成淵池祇
 令征討苦未休金鞍鍔甲弥山丘安得放歸如此

馬飲水求芻恣閑暇

題李氏寓酒軒

吾聞李謫仙一斗詩百篇酒家眠又聞陽諫議月
廩盡以送酒錢伯倫酒德頌無功醉鄉仙說到飲
中理茲世何渺然古來賢達士以酒全其天所以
陶靖節浩歌歸園田獨予醉翁之意不在酒樂在
山水靜所便古人已矣不可作今人紛紛亦能賢
北里富熏天高樓歌舞筵千金結客多少年衰吹

豪竹倒傾玉船以酒互為市地勢相婣媯焉知貧
士貧到骨健倒仰天歌黃鵠黃鵠歌罷無翼飛妻
啼兒號書一束借問主人翁心跡誰與同我亦頗
解飲聖賢時一中酒酣擊尊破兩耳生春風安得
園綺遇攜我入山去清泉為釀碧溪深醉卧溪頭
弄雲月

廬山兵後得房希白書知弟謙消息

聞道王師阻渭津廬山以後陷兵塵軍行萬里速

如鬼風慘一川愁殺人亂後僅知家弟在書來疑
與故人親夢中亦覺長安遠回首關河淚滿巾

晚步張翠田間

池入荒蕪過客稀邨深門巷算山圍悠悠獨鳥穿
雲下策寒鳥掠日飛人事百年梧葉老秋風萬
里稻花肥兵塵河朔迷歸路惆悵平沙送夕暉

板橋道中

篁竹瀟灑野水濱光風過眼與時新陰崖積雪猶
含凍遠樹浮煙已帶春世故未應悲古道歲華聊
得伴閑身蕪芽筍稚行當好莫擬山中問主人

過陝

萬古津茅據上游峻函西去接秦頭悲風鼓角重
城暮落日關河百戰秋形勝古來須上策塵埃歲
晚只羈愁豺狼滿地荆榛合目斷中條是故丘

為王德新壽

百年人物惜凋零尚喜衣冠見老成數口齏鹽憂

桂玉一川風雨獨柴荆紅顏未羨方春好黃髮應從此夜生異日華林講殊禮不妨鳩杖從公行

為秦人梁帥壽

功名萬里駕龍荒不作當年陞楯郎顏角久瞻天上日鬢毛未點鏡中霜衣沾暑雨千秋潤扇引薰風六月涼見說長年出冲靜海山求藥本微茫

送申生取新赴中書

寒山漠漠日初曛過盡鴈鷺群百代高歌餘

白雪一朝飛步上青雲倚門翫麟誰怜我滿腹精神獨見君看取扶搖便鵬翼臨岐且莫嘆離分

寄杜仲梁

塞上愁多雲易陰故人雖在鴈無音交情念子黃金重世故稽人白髮深芳草春風千里夢青燈夜雨兩鄉心岱宗入眼東南秀悵望雲山淚滿襟

寄元裕之

朔雲陰雪晚重日入寒蕪塞艸空沂水東回無

去翼天山南斷有哀鴻三年遠別交情外一夜相思客夢中明日關河對雙淚祇將幽憤寄秋風

竹林院全張之純賦

柳色侵尋映短籬竹梢零亂挂殘暉山禽自識忘機客飛下庭柯更不飛

稍、林閒布穀聲邨南邨北水雲平偶來竹寺看山坐閑聽清溪遠舍鳴

中書大丞相耶律公挽詞

甲辰五月十四日

砥柱中流折歲舟半夜移世賢高允相人歎叔孫儀未拜荊州面嘗蒙國士知無階陪引緋萬里望靈輶

又

文獻群公表東舟八葉傳珪璋貽嗣德蘭藻靄遺編禁籍虛青瑣神游定玉泉太常千字誄誰有筆如椽

密國公挽詞

鬱々佳城閉
翩跹銘旌開
風悲信陵墓
雨入孝王臺
萬古傷梁壞
千年望鶴來
平明國門外
簫鼓下勝哀

又

漢制隆恩禮
周封列屏翰
人知尊帝胄
我但識儒冠
零落傷蘭桂
孤高歎鳳鸞
從今門下客
長缺向誰彈

王子壽鄉友生朝

自接夫君席
頻逢歲律更
面嚴知氣直
語出見主平
講學詩書義
論文里社情
須髯如戟在
長對上峰明

送李端卿之鄴臺

僮馬戒晨裝
新霜木葉黃
嗟予無壯節
送子慘離腸
林慮荒秋色
清漳下夕陽
遙知一尊酒
弔古鄴城傍

為喬子春壽

講道顏淵巷新齋友與同守身為大節寔欲是全
功教子勤書裏娛親養疾中黃花佳節近歲々看
秋風

贈劉伯威

劉子山中秀相逢氣自同箕裘門戶計菽水古人
風折節豈為辱苦心應有終平生湖海志未用哭
途窮

贈王明伯

遼海遺珠在黃華秀未空百年書法裏萬事酒而
中耿々此心在悠々吾道窮好賢明達事獨喜與
君全

秋夜感懷

老境歡娛少愁懷感歎長世途多險阻興與渺蒼
茫疎雨梧桐夜西風蟋蟀床平明攬青鏡衰鬢又
添霜

趙太監降日

自從龍戰野特立孰如公著跡雲鵬上收功汗馬
中高談天下計餘事古人風勿藥行逢喜春風雨
頰紅

雲中夜雨

憔悴杜陵客悲涼王仲宣回園晴立壁一突午無
煙病卧秋風裏愁吟夜雨邊明朝誰裹飯萬一使
君憐

渡洛

泉石經行久林丘弭望閒溪鳴風蕩水谷晴雨含
山淡、輕鷗沒飛、倦鳥還世緣良日苦空羨次野
雲閑

浩浩

浩浩、春風裏悠、倦客情天寒花寂寞冰泮水縱
橫念遠心將折聞兵夢亦驚江山憔悴久倚杖歎
餘生

河汾諸老詩集卷二

石泉張先生字彥升

送趙宜之歸辛安兼簡洛下諸友

悽惻復悽惻送君汾水側人生歡會少一別難再

得昔經劫火然二鳥奮驚翼嗷嗷各何之全落天

西北日夕相和鳴此樂未易極狂風忽吹散一鳥

歸故國翱翔入寥廓萬里期一息鄧林有餘陰未

肯栖枳棘玉山有嘉禾未肯求粒食一鳥獨未歸

肯栖枳棘玉山有嘉禾未肯求粒食一鳥獨未歸

羸老無力矯首思舊群潛然淚沾臆

雌雞行

雌雞粥粥將鳧兒鳧兒入水雞鳴悲岸南岸北飛
止隨但恐搏攫遭鳧鷗岸傍無食寧飢死朝暮不
肯須臾離傍人爭笑愚且痴我哀物理為人欺

雲溪秋泛圖為閩國寶賦

晴嵐滴翠霜樹殷石錦錯落苔花班人家隱約荒
靄外但見籬落連柴關兩山中斷忽空曠下有碧

水之潺湲幽人航葦迷遠近思致偃蹇無容攀定
非鴟夷成霸業一舸五湖烟浪寬又非坡仙遊赤
壁酒酣浩歌江月寒亦當拄杖橫膝看南山心與
白雲相對閑胡為厭山瞰芳渚岸草汀花適幽趣
有聲詩画無聲詩夏蟲未易寒水語或云此本集
季鷹尊鱸忽憶扁舟輕蹇予有家歸未得一
風羽翼生

採蓮

分得底字

溪風搖搖波瀾瀾十里芳華炤清泚蘭舟女郎紅
玉春日射新妝明水底芙蓉雙臉百媚生吳宮西
施漢良娣藕腸折斷雪絲牽入手花枝香茫茫隔
岸誰家貴公子調笑新詞歌艷體吳儂變風有如
此誰念采蘋供祭禮

哭姪

學業方成二紀過虛舟一夕殞頽波死皆有
伶渠早老獨無依奈我何歸計雲山空莽蒼愁懷日

月暗消磨白楊半夜風瀟瑟盡是吾兒薤露歌

感懷

世路羊腸劇險艱天心應厭著儒冠老無子息休
心易負有交親託事難文字售人真滯債廉平養
已似閑官義經讀罷無人會庭竹瀟森夜月寒

平蕭同知

蕭蘭一夕隕秋霜數載交情遽忍忘遊覽雲山春
並轡笑談風雨夜連牀治心我謂當誠慤處已君

言貴肅莊此理從今誰與論隰州松月渺蒼蒼

上巳日遊平湖

微風漠漠水增波禊事重修總永和脆管當筵清
似語扁舟爭岸疾如梭一時人物成高會千里雲
山入浩歌日暮芝蘭無處覓野花汀艸占春多

送田茂卿赴都

宿雨初晴草木齊一杯汾水恨分攜上林曉色多
鷺友長路春風入馬蹄黃卷可能無斗祿青雲自

是有天梯從來俊傑知時務莫為寒窗故紙迷

和李子微邨居

健羨南溪老幽居水石間心無塵事汨身與野雲
閑院靜深巖竹墻低易得山蒲團香一炷花落鳥

喧喧

又

別墅荒城外居閑事事幽栽松添野色接鋸引溪
流詩社分新韻村醪洗舊愁更求名與利騎鶴望

揚州

送李仲暉之洛西

同是思鄉客君先著祖鞭
驪駒歌落日去雁入高天
莫戀河濱粟當耕谷口田
親朋倘相問為報已衰年

送馬德新

馬弟吾鄉秀青雲正壯年
四知雖自畏六戒得師傳
秦府開賢路瀛洲列俊躔
秋風黃鵠健老眼看

高騫

贈皇甫德璋

明德本生公醫名一代雄
杖頭閑日月舌上舊家風
雅趣錢神外高情酒聖中
治人陰德在壽骨秀而豐

和劉敏之韻

城居寧不好未易著閑人
客至慙無酒詩成莫療貧
譚天雖有口無地可安身
羨殺清江鷺生來不

受塵

秋日出郭

離離禾黍滿郊墟棗實紅殷接野間
四十年来無史筆有年今日仗誰書

和李濟夫韻

午夢遊仙鳥喚迴竹陰掃地淨無埃
莫言嘉客閑中少時有清風自往來

荆公

作古非今禍已成亦知鬼責與天刑
試看二病遺言處猶勸傍人誦佛經

襄陵北城溪坐

楊柳陰陰水氣涼椒花菽菽野風香
地偏愈覺似閑整始信擒昌化日長

閑述

此性生而與道俱靈源常患少人疏
楊侯一語崇經學士子爭相讀四書

解作時文一二篇曾中意氣已掀然何如剖破醯
雞瓮看取人間大有天

河汾諸老詩集卷二

河汾諸老詩集卷三

陳先生賡子颺

遊龍祠

黃河如絲導崑崙萬里南下突禹門枝流潛行大
地底派作八道如霆奔吾聞川真嶽靈有冥宰况
乃利澤開洪源神龍窟宅瞰平野千古廟兒何雄
尊深林含蓄雷雨潤冷殿似帶波濤痕我來南州
走塵坌執熱未濯憂思煩試斟甘冽洗肝肺一勺

注腹清且燉悠然晞風坐東廡倏見繪画如飛騫
仙宮華裾乘朱軒旗纛掩藹蛟伏轅雷公電母踏
煙霧天吳海若驅鼉鼉何時借取霹靂手倒挽銀
漢清乾坤廟前老翁頤我語孺子未易排天關胡
為高論乃如此一笑滿面春風溫是時三月遊人
鱗男女雜逌簫鼓喧騫菱沉玉荅靈貺割牲醜酒
傳巫言巫言恍惚廟扉闔拜手上馬山烟昏

峴山秋晚圖

山高嵯峨小山低崕嶺清江錦樹帶秋烟烟際
家在林藪荆河迤南三峴山此圖定繪襄陽否
西人翰墨丹青手落筆天機隨所有峴首真在襄
陽西遙觀漢水含風猗上有龜龍一片石云是羊
公墮淚碑試披禹跡考地志画師寧免詩人疑且
看滿眼江山好休作燕人過晉悲

子猷訪戴圖

兩晉崇玄虛風流變華夏舉世尚清談天地指一

馬依阿竹林賢鴻名重天下王郎衣冠冑亦復慕
草野偶來剡溪上溪水正清瀉扁舟信泐洄氣韻
可瀟灑誰與好賢心丹素入圖寫山陰懷古意欲
攬不盈把賦詩心夷猶六義媿騷雅西風塵冥冥
倘有知音者

鑿拄杖

閩王鑿杖如榔栗得自荒虛鬼神域鞭笞蠻蠻今
幾年霧翳雲蒸老蛟黑腹中有篁如細泉牙節宛
轉聲鏗然天生神物不虛棄提攜萬里歸坡仙坡
仙騎鯨凌紫烟海山一去今千年人間俯仰成今
古紛々長物何須數洛陽銅駝卧荆棘昭陵石馬
埋煙雨百斛鼎兩錢錐小大用舍俱兒嬉商顏鶴
髮一筇竹何似凌烟功臣玉具高楮願黃閣得君
真耐久扶持四海經綸手會須拄到崑崙顛九點
青烟看九有鐵邪杖邪吾不知誠將道眼窺天機
一朝雷雨轟空陂須防化作蛟龍飛

武善夫桃源圖

武郎種桃滿雲溪三月紅雨行人迷自從玉勒入
雲馭春風杜宇年々啼飛黃騰踏有天倪紫電轉
盼天山低要將白壁沽蛾眉更把黃金鑄屢蹄義
和挾輶六龍馳暮景恐迫虞淵西新詩擬喚槐安
夢咫尺溪邊春色動飛花漠漠水冷冷々蒼苔荒了
煙霞洞聞道西風解浣人何處江山可問津征塵
障斷仙源路且看丹青萬樹春

送李長源

月下孤鴻枕上雞高城今日又分攜九秋雲氣嶠
陵底萬里河聲砥柱西飲罷關山秋寂々詩成風
雨暮淒々千金善保并州器要放崑崙入馬蹄

寄陝郡楊正卿

西菴

臨川堂上看飛鴻十載西州一轉蓬親老家貧初
有累才疎意廣卒無功姦雄頗忌孔文舉富貴何
如張長公滿地塵埃浮世狹一帆思駕五湖風

又

遷客形容國士心
春風鶴髮不勝簪
鍾儀去楚衣冠異
王粲依劉歲月深
歲晚艱危無短策
酒酣悲壯動長吟
遙憐蘭省楊夫子
一紙書來抵萬金

宣宗挽詞

洛邑周初定
蒼梧舜不還
九天來鶴馭
萬國泣龍顏
儉德高千古
鴻勳際兩間
無由望弓劍
雲氣鬱橋山

寒食祀墳迴登臨晉西原廢寺

前朝廢寺枕山阿
尚有摩雲宰堵波
故國已非唐日月
老僧猶指晉山河
年來筋力登臨倦
亂後心情感慨多
石蘚荒碑碎文字
他年更得幾摩挲

又

當年雲構倚天開
一夕烟塵化劫灰
佛閣丹青餘瓦礫
禪房花木亦蒿萊
春風萬里騷人怨
落日千秋社宇哀
斷礎荒煙無限意
一章詩律為誰裁

送冠輔臣
古陌風塵點客衣
送春君亦伴春歸
東風不管離人恨
吹落楊花滿地飛

蒲中八詠為師崑卿賦

蒲津晚渡

雲濤注壺口
水府蟠九壘
公子莫爭舟
蛟龍方翫

骸

震坂曉行

伯樂沉九原
泥塗困騏驥
千古長坂空
無人知此

意

舜殿薰風

品廊鳴五絃
薰兮南風來
鳳去徽音絕
管井生莓

苔

首陽晴雪

天風吹瓊瑤
白冒首陽頂
欲和采薇歌
千山凍雲

冷

東林夜雨

林壑冷含秋風雨黯如海何如贊公房青燈淡相

對

西崑壘

梵刹盤空曲烟霞錦繡紋山靈倘招隱徑入萬重

雲

媯汭夕陽

瑩階降英皇此地嬪有虞南巡竟不返愁雲接蒼

梧

王官飛湍

懸流落雲崑遙空挂飛練何時斲清冷一類黃塵

面

河汾諸老詩集卷三

河汾諸老詩集卷四

陳先生庾子京

送麻信之內鄉山居

四海紛拏戰虎龍
驚雷無計脫圍中
莫貪利祿招時忌
要學聾牙與世同
汝水應逢寒食雨
浙川行趁舞雩風
離心洗蕩方如許
莫上危樓聽斷鴻

弔麻信之二首

弊屣功名懶著鞭
劇談豪放本天然
閑來每愛從

人語醉裏何妨對客眠體瘁漸成中酒病家貧全
仰賣碑錢堂上一去今何在三尺孤墳罩野煙

又

風采瓊林未足伴一朝零落委山丘君恩未賜金
蓮炬天關俄成白玉樓詩類貫珠尤可翫室如懸
磬更堪憂路遙未暇憑棺奠悵望中條涕泗流

荅楊煥然二首

梁苑當年記盛遊亂離南北恨遲留且教紅袖歌

金縷莫對青山歎白頭人似替皇遷蜀郡詩如子
美到夔州傳家况有玄文在應使童烏繼纂修

又

獻賦當年覲紫宸羨君藻思獨超群扶持吾道難
尤力潤色斯文老更勤學際天人寧有伴文如風
水自成紋何時載酒清伊上奇字時來問子雲

清明後書懷

花氣薰人動竹齋貪春狂思若為裁蜂粘落絮飛

還墜燕認新巢去復來
亂後精魂猶夢境
貧中風景剩詩才
江山信美非吾土
懷抱何時得好開

送孟駕之赴關

文史相從二十年
歲寒心事久彌堅
向來才力驚游刃
此去功名穩著鞭
淺綠美依沙漠草
橫青遙指拂廬烟
應將萬字匡時策
挽取恩波下九天

病後贈姚仲寬居士

寂、柴關晝不開
虛簷獨步意徘徊
百年素業南柯夢
一寸丹心古鼎灰
野老相過聊問訊
溪禽近啄不驚猜
好奇誰是劉公子
肯為楊雄載酒來

有懷家兄子颺

蕭、雙鬢半成絲
疊、襟懷抱所思
趨向自知違俗好
文章只合伴兒嬉
嵩西晚照霞明處
洛汭秋風鴈過時
中有先人弊廬在
與君何日理茅茨

贈李彥誠

五嶽分崩四海傾
便宜一別盡今生
艱難契闊重

相見四十餘年老弟兄

峴山秋晚圖

當年叔子愛茲山陵谷回頭幾變遷縱使豐碑今
尚在遊人誰復一潸然

題師崑卿蒲中八詠

蒲津晚渡

中條山色照黃河競渡行人晚更多城上危樓倚
霄漢凭欄有客正悲歌

雲坂曉行

五更風露正清冥馬首殘蟾分外明好句墮前俄
失去微吟倏過古雲城

舜殿薰風

德化當年被海隅熙々物性盡昭蘇不知今日吾
民愠一聽琴聲解得無

首陽晴雪

山頭晴雪照城樓澗水融銀眩兩眸蕩滌寒威須

美醞浮香醺醪夜來芻

東林夜雨

簫簫寒雨濕觚稜古殿長廊夜氣增此地此時誰
得意龕燈一點坐禪僧

西崑疊巘

螺髮煙鬟聳萬峰行人指點梵王宮鳥飛杳靄蒼
茫外人在霏微空翠中

鳩汭夕陽

水曲山阿古樂鄉聖謨曾此降英皇遺風欲問應
無處破屋頽垣半夕陽

王官飛湍

表聖當年愛此山倚樓終日看飛湍後人空飲貽
溪水不學先生便挂冠

河汾諸老詩集卷四

白雲子房先生皞希白

江上行

浮雲澹；心悠；杖藜來作江邊游商人打鼓催

行舟洪波不斷東南流木葉瀟；荆楚秋勸君休

上王粲樓日落滄江增暮愁

賣劔行贈韋漢臣

滄海波未澄無人斬長鯨韋郎三尺玉匣中鳴不

可分詩

平蛟龍一出雷雨隨翕忽變化清四夷可惜有才
不見用青天白日將何為酒酣起舞抱劔哭肅々
悲風動茅屋不如南山學種田自古青萍換黃犢
扣角歌贈史吉甫

剝剝剝扣牛角自從破却黃雞殼陰陽二氣分清
濁冥則為風震則雷流者成川峙者嶽易道常行
日用間醉夢昏昏人不覺伏羲不得已而畫文王
不得已而重卦世不及上世隆夫子不言人益蒙

著成大傳開盲聾譬如日出滄海東無物不在光
明中峨嵋山人史居士來到公安大智寺手攜牛
角欲何為發明三聖心中事人言康節是前身似
不家居洛之涘甯中一部皇極書造化功夫際天
地舒之則彌滿六合卷之則不盈一握近之則在
乎目前遠之則入乎冥邈有人來問先天學扣牛
角剝剝剝

貧家女

河汾詩
貧家女德性溫柔寡言語終年辛苦不下機身上
却無絲一縷倡家女兒百不會只向人前賣嬌態
繡裯端坐青樓中銀燭熒煌照珠翠書言福善與
禍淫未必天公有此心盜跖長年顏子天古來顛
倒非獨今高處是崑崙低處是東溟崑崙推不倒
東海填不平物之不齊物之情貧女莫羨倡女榮
不義富貴浮雲輕持身但如冰雪清德耀荆釵有
令名

送王升卿

傷哉船子峯頭月昨夜團々今夜缺月華猶自不
長圓人生安得無離別世上憂端千萬許惟有別
離心最苦盧川春晚送君行落花為我啼紅雨四
海紛紛尚戎馬我曹只合歸林下如椽大筆今無
用日課新詩自陶寫嵩陽佳處如罨畫浮可漁兮
田可稼我欲從君覓隱居却恐山靈嫌俗駕

題呂仙亭

岳陽城南呂公洞道人見客無迎送事少方知日
月長身閑未覺功名重竹影松陰生午凉山色湖
光設朝供高吟下視世間人幾人不在黃梁夢

寄呈岳陽諸友

稟性太褊率不受塵事觸自小遠市廛僻居在嵒
谷人間嗜好心舍書百不欲一飽更奚求簞瓢隨
分足失脚墮世路纏糾若微纏人以官為榮我以
官為辱平生喜高潔為官近卑俗平生喜曠達為
官窘邊幅平生喜疎散為官貴圓熟平生喜忠鯁
為官多諂曲澆漓當此時古道那可復鷓鴣巢一
木偃鼠飲滿腹誰能朱門中區區句梁肉折腰趨
下風不厭解印速青山喚我歸早晚謝羈束一尊
石上酒浩歌對松菊

題張信之見山堂

自古朝市人罕與山相會山豈欲遠人人自與山
背張侯創新居正在闌闔內何以得青山坐上日

河汾言
四
相對曾中有丘壑眼前無障礙人物既蕭散山不
問內外晚來天氣佳收目入清快乾坤無一塵草
木有多態千里好風來幾縷殘霞在柱笏當此時
未覺功名大

慶王鼎玉生子

魏侯照乘珠下氏連城玉此物豈易得君家貯滿
屋平生積德深天錫以多福熊羆入夢頻不待封
人祝長者已雄偉幼者更清泚指日看騫騰誰為
犀角禿願君剩買書學語便教讀斯文久不振六
經要再續人生宇宙間百歲一瞬速美惡暫時休
何者為榮辱且引昔寧馨遶院種松菊陶潛歸去
來有子萬事足

戊子

萬事人間已飽諳一身猶自客天南行非楊秉三
無惑性似稽康七不堪俗學為名多外飾聖人養
德貴中函有時靜坐深思省三十年前總是慙

寄段誠之

咫尺春風三十三不如歸卧舊煙嵐
浮雲富貴吾何慕陋巷簞瓢分所甘
多語數窮深可戒虛名無用不宜貪
寥々孔學今千載賴有斯人可共談

次前韻寄王升卿

谷口人家十二三家々窗戶得晴嵐
千章雲木秀而野一脈泉流清且甘
徇俗到頭終是病耽書自古不名貪
作詩為問東溪友樽酒何時愜咲談

辛卯生朝呈郭周卿段復之

瓦面醯雞積有年近來霧豁見全天
出言最忌談人惡入德尤宜去自賢
回也屢空趨聖域參乎一唯得心傳佛
岐老徑雖高絕不及中庸道坦然

贈趙山甫

寇盜連年剝蝟毛一身無處可奔逃
陳平自合西歸漢葛亮焉能北事曹
嗟我命兼才共薄仰君名與德俱高
幾時一笑滄浪畔右手持盃左手螯

哭楊叔能

仰看飛鴻俯看鱗
訃來不覺淚沾巾
風塵末路尤多難
山澤癯儒只合貧
亂後有誰收恨骨
眼前無復見斯人
襄陽舊隱依然在
花落空庭冷淡春

送李正甫九日韻

論著哀時總可哀
不如且放笑顏開
留連風月憑詩句
管領江山有酒盃
我欲處身如此處
君言裁恨若為裁
從今但有錢三百
相約高樓盡醉迴

憶新墻劉德淵

雲烟杳靄水微茫
何處青山是岳陽
白髮滿頭空自老
黃塵兩腳為誰忙
同盟鄂渚言猶在
偕隱廬峯興未忘
近有倦遊詩數首
西風吹不到新墻

思隱

得箇黃牛學種田
蓋間茅屋傍林泉
情知老去無多日
且向閑中過幾年
詘道詘身俱是辱
愛詩愛酒總名仙
世間百物還須買
不信青山也要錢

寄王文炳

愛客孔文舉能詩陸士衡十年求識面千里飽聞
名郁々芝蘭秀蕭々風露清幾時樽酒畔容我話
平生

和楊叔能之字韻

遭亂重相見寬心不用悲江山佳麗地人物太平
時白蟻千家酒黃花九日詩鹿門不可隱吾道欲
安之

丙申元日

三十八年過星々白髮多干戈猶浩蕩蹤跡轉蹉
跎世事堪長歎吾生付短歌江湖從此逝烟雨一
漁蓑

辛丑巴東元日

舊日逢春喜而今怕見春紅塵長路客殘病老夫
身政拙難書考家貧只累人自怜頭上髮更比去
年新

秋夜

百計求安未得安此心須在髮凋殘漫長夜渾
無睡蟋蟀堂深秋雨寒

自遣

幾見秋風幾見春一愁未已一愁新閑中點檢平
生事唯有清貧不負人

又

瓦面浮香霧春任他時事百端新自知野鹿山

麋相不是麒麟閣上人

別西湖

聞說西湖可樂飢十年勞我夢中思湖邊欲買三
間屋問遍人家不要詩

題張濟之勝覽軒

誰言山色可忘憂誰道澄江銷客愁試倚闌干西
北望浮雲依舊暗神州

讀杜詩

後學為詩務闢奇詩家奇病最難醫欲知子美高人處只把尋常話做詩

又

穹窿冥搜枉費功天然一語自然工況無詩是窮人物好句多生感慨中

又

千里奔馳蜀道難艸堂賓主罄交歡怒冠三桂簾鈞上誰謂將軍禮數寬

春日觀菜

手種蕪菁欲療飢春來頗怪發生遲東風貪長新桃李未有功夫到菜畦

河汾諸老詩集卷五

河汾諸老詩集卷六

遯庵段先生克己復之

乙巳清明遊青陽峽

東山氣象太猛悍萬馬駁來楚甸中分不肯割

鴻溝鍛礪戈矛期一戰西山折北如西漢獨餘絳

灌奔而殿誰為劉項決雌雄賴有韓彭力相援盧

溝直下兩水合派暗流通一線突為瀑布出山

口流沫成輪浪成旋前途百步落石甕黛蓄亭渟

河漢言
一
那敢眇沉
南去若白虹為岫為泚互隱見鑿開
混沌幾千秋世俗雖見如不見今人誰有筆如椽
為寫佳名傳寓縣人間佳節重清明呼兒折簡招
諸彦一生能著幾兩屐佳處每欲經行徧山靈著
意勸遊人吞吐煙霞生萬變山阿玉女跪焚香崑
崘仙人一笑倩坐者儼若帝王尊劒佩雍容侍閑
宴植者磊落如鉅人聚立廣庭議封禪拱者矯々
如勇夫執戈祀花著綦卉平灘淺瀨乍可揭溪路

曲隨峰勢轉葛屨偏宜苔蘚滑行襟時被薔薇屑
當面煙嵐翠舞蛟出岫閑雲飄素練群行不復事
拘檢眼正明時腳還倦班荆共坐溪上石鉅妝濁
醪具時饌良辰無奈夕陽催羽觴正要清歌薦醒
心況復有寒泉玉池遄返成三嘬三分春色二分
休風外飛花時一片古人行樂欲及時半百之前
猶掣電惟有愛山緣未斷夢寐孱顏添健羨一窮
到骨不自治虛負胸中書萬卷謾向山邨老却人

生來不識荊州面
肝肺槎牙倩酒澆
願我非狂亦非狷
紛々世上無真是
弃置從渠若秋扇
歸來新月偃林梢
寂寞衡門掩深院

題興公靜樂庵

我愛興上人閑處
先著腳雖有買山錢
難尋一丘壑
向來棲息地龍像
久寂寞重尋林下徑
竹石若紛薄
溪水恣交流
品花自開落
却掃丈室中
一餅還一鉢
靜樂題其顏
塵緣聊解縛
寥々千歲下
此理誰發樂
我今為拈出
不免一重錯
有淨必有垢
無苦亦無樂
混沌元不死
七竅剖自鑿
珍重庵中人
萬法本無著
獨有太古心
油然滿寥廓

冬夜自適

四壁摧頽手重泥
一枝隨意足成棲
歸來已化千年鶴
老去慵聽半夜雞
世事榮枯都是幻
物情長短不須齊
寸心耿耿何人會
隱几寒窗片月低

中秋二首

萬籟聲沉暮靄收長河瀉浪洗清秋遙天千里淡
如水明月一輪光滿樓隨意傾銀謀勝賞誰家橫
玉調新愁可憐白首蟾宮客羞對嫦娥說舊游

又

夜涼河漢靜無聲澄澈天開萬里晴蟾吐寒光呈
皎潔桂排疎影極分明良宵方喜故人共醉語那
知鄰舍驚一片詩魂收不得九霄直與月俱清

雲中暮雨

在禹門

古壘雲巖一徑微河山依舊昔人非貪徵往古興
亡事不覺城頭雨濕衣

憶梅

姑射仙人冰雪膚昔年伴我向西湖別來幾度春
風換標格而今似舊無

與隱之會午芹精舍酒間雨作

麥田日日起黃埃官長憂民意不開底是山靈相
嫵媚故驅風雨過江來

楸花

楸樹馨香見未曾
墻西碧蓋後孤稜
會須雨洗塵埃盡
看吐高花一萬層

河汾諸老詩集卷六

菊軒段先生成己誠之

題容安堂

陳子少英邁逸氣不可挫典刑肖乃翁出語輒驚

座行止非所能造物聽掀簸
功名鷹在鞬歲月蟻旋磨
區一室中十載供史課結廬慕淵明
志向有許大淡墨寫形似終日相對坐
一室足我容百念付慵惰
青山隱簷楹流水出階左
植花數十叢

種竹千百箇事來若機張事去如餅墮浩然方寸
閒不受一塵污豈無二仲賢閑暇日相過有酒相
獻酬有詩互賡和溪山入笑談珠玉霏咳唾徜徉
天地間一物莫非我醉來語更真卿去我將卧主
人正高眠山鳥莫啼破

題梁氏靜樂堂

攘：區中人役心名與利於身竟何有乾沒不少
置叔敬有耳孫榮：與時異一官不肯覓閑居養

高志築室塵境中中有塵外意方其厭囂啾歸來
行少墜牀頭一卷書靜洗紛華累苟能樂其樂寧
復事吾事見客不吝情有酒即成醉為問東華塵
何如北窗睡清風吹我懷萬事覺無味誰知方寸
閒自有清涼地

蘇氏承顏堂

登仙不羨飛雙鳧宰官不樂紆金珠行年四十著
綵服悲啼效作兒聲呱丈夫豈無四方志倚閭望

望心何如家國無事壽觴舉慈顏得酒增和舒容
來草具對客食殺雞奉母其賢乎榮華富貴固所
願有子能盡如君謨至誠不動古未有悅親自得
神明扶茁哉冬生孟林笋園焉日出姜泉魚古來
孝感有如此今人蓋以古為模嘗聞古有色難戒
愛深容色何愉、詩成不覺涕淚俱尔有母遺傷
獨無他年誰作孝友傳請錄吾語為君書

題秋暮山行圖

亂山崢嶸爭清妍寒林寂歷相綿聯人間黃塵千
萬丈一點不到山林邊秋光淡薄秋氣爽浮雲積
翠何葱芊高風淒其脫木葉向來面日仍增娟江
流一曲抱山麓孤舟斜日栖江湍行人何適來負
擔腰膂蹻犖确石頭路蹇驢鞭不前人家前塗渺
何許望之不及憂帽、問公何從得此本筆勢髣
髴營丘傳我本山中人見之心惘然坎壈歷落真
可笑對画題詩思昔年

送孫仲文行臺之召

仲也何人斯不滿六尺長言議間英發入耳音琅
琅曾懷湛秋水面目巖清霜讀書及城旦寓跡鳧
鷺行自公少餘暇婉愉奉高堂甘旨未及親有飯
不敢嘗顏色或未怡綵衣戲親傍執喪三年中哀
慕如新喪回思顧復勞此意何時忘日聞辟書下
且喜還且傷捧檄念吾親不覺涕泗滂拔英外臺
選列布皆珪璋掾吏須幾人亦必求循良世人豈

無才要以德自將糾擿誰弗能吾心恐無常詩人
有明誠茹柔止其副孝為百行先子孝吾既詳苟
能推此心前路未易量慙慙養雲翼行矣勿匆忙

醒心亭

窓前流水玉泠泠窓下高人酒半醒喚省邯鄲枕
中夢如看王湛案頭經脩然自得天遊趣恍若那
知地境靈說似功名場上客倦游時節一來聽

送尋正道

江邊楊柳總堪折
陌上行人還又別
春光不解苦
留人兩岸楊花飛
白雪江風搖
吹綠波欲別未
別傷如何願君少
住聽我歌後日
重來白髮多

跋三堂王自寫真

解衣盤礴真畫史
不待濡毛知可矣
葛巾草服常
畫我意欲置我山
嵒裏虎頭于今幾
百年與渠誰
後復誰先
條然蛻跡乘風去
一笑相逢喜拍肩

跋秦得真墨

晴窓不用辨犀紋
墨妙秦郎已飫聞
翠餅瑩如雅
背淨玉圖香
鄙麝臍薰永寧
賜弟今猶少
易水無
良古亦云老
我媿非揮翰手
兩丸投贈負伊勤

送馮資深西歸

人間蠻觸日干戈
暮四朝三能幾何
歸去不憂餅
粟罄西山雨足
蕨薇多
蕭々華髮老
書生久欲歸
田計未成喜聽
日邊消息好
故山容得子
真耕

三年思慮謾營、重見浮山眼倍青
 曾次無塵元自好床頭况有洗心經
 田疇未及春郊日
 候門稚子喜歸來暖熱都無酒一杯
 抖擻滿身塵土盡襟懷還對好山開
 隱三指楚河龍去下品

嗅梅

玉骨那愁瘴霧傷好將經卷伴南荒
 坡仙鼻孔清如水老覺朝雲道氣長

題張郎中明皇小決圖

志在驅馳禍已胎笑顏况更為誰開
 貪爭飛鞠鞭驟去不覺踰垣有鹿來
 圖畫何許真龍水不
 天寶承平事久無弄丸驢背恣馳驅
 不期一笑宮中戲傳作人間小決圖

如夢庵

覺時還笑夢時訛夢覺其間有幾何
 聊爾藏身大槐國卧看明月上南柯

虞坂曉行

林外晨雞第一聲
隴頭殘月伴人行
未知局促鹽車下
老驥蕭蕭又幾鳴

首陽晴雪

微歌一曲對青山
萬古千秋老翠巒
望斷空崑人不見
光搖銀海玉峯寒

書師品卿蒲中八詠圖後

老大溪山入夢頻
聊憑圖畫寫情真
歸歎不及身

強健山有英靈恐笑人

卷七終

河汾諸老詩集卷八

允齋曹先生之謙益甫

送梁仲文

聖人既已沒
聖道遂不傳
異端壅正途
榛塞踰千年
大儒起相承
闢之斯廓然
瀛溪迴北流
伊洛開洪源
學者有適從
披雲見青天
我生雖多難
聞道早有緣
中歲苦病目
不得深窮研
梁君河東秀
意氣凌孤騫
探道得奧閫
辯說如河懸
所知非苟知

而亦允蹈焉出入口耳者彼我奚足言却來自秦
京過我汾水邊未幾復言別長途北之燕行看奮
六翮高舉凌雲烟功成名遂後歸老河之湍相從
講聖學與子長周旋

感寓二首

中林有幽蘭羅生雜衆艸地僻人不知芬芳空自
好嚴霜凋古木歲晚難獨保願充君子佩探擷尚
未早安得清風來吹香出林表

又

高梧夾金井脩竹連清池梧葉既薙竹實亦纍
纍可栖復可食鳳鳥來何時重華不得見韶樂何
能為日暮空歎息蕭瑟寒風吹

變白頭吟

梧桐不獨老鴛鴦亦雙死靜女懷真心徇夫正如
此奈何及末流不知再醮羞中路多反目幾人能
白頭君不見會稽愚婦輕負薪不肯終身事買臣

一朝歸佩太守印，悔望車塵那敢近。人生賦命自
不齊，貧賤富貴各有時。隨雞逐狗聽所適，世事悠
悠爭得知。

閑中作

雄雞啼一聲，驚起五更睡。出門何擾擾，競逐名與
利。冥、車馬塵白日，暗城市。蕭條蓬蒿居，獨有犧
皇地。高情杳秋雲，靜性澁止水。俛仰天地間，澹然
無一事。

東坡赤壁圖

先生矯、人中龍。京塵千丈不可容，五年一夢落
江海。翩然野鶴開囚籠，雪堂閉門讀書史。興來飄
然弄雲水，黃泥坂下醉三更。赤壁磯頭航一葉，明
月清風共一江。邁往之氣無由降，酒酣作賦記清
賞。袖有巨筆如長杠，一朝騎鯨尋李白。人間俯仰
成今昔，續絃無處覓。鸞膠見画思，公空歎息。

風雪障面圖

頑雲暗空雪正飛老木僵折溪流漸弊裘羸馬奈
寒子便面障風何所之僕夫徒行亦良苦吻噤不
語心應語人生受凍分豈無但願不作君家奴

秋日雜詩

山中有佳人考槃歌在澗別來今幾時歲月忽已
晏相思不得書矯首望飛雁

寄元遺山

詩到夔州老更工只今人仰少凌翁自憐奕世通
家舊不得論文一笑同艸綠平原愁落日雁飛塞
水怨秋風黃金鑛裏相思淚幾墮憑高北望中

秋日懷李仁卿

獨倚斜陽百尺樓故人千里思悠悠陶唐祠下烟
光晚姑射峯前雁影秋尊酒幾時同李白雲山多
處是并州臨風惆悵無人會一曲商歌寫暮愁

麻信之為壽

中州人物一元龍卓犖英才颯磊曾濁酒數盃遺

世慮清詩工，首傲侯封諸郎。照眼三珠樹，舊業關心五老峯。頭白他年賦，歸去綵衣扶杖看從容。

送王仲通

從事西遊五見春，翩書記日爭新。懷鄉不作登樓賦，佐府真為入幕賓。世事忽驚翻手雨，馬蹄又踏化衣塵。古來燕趙多豪傑，定有飛書薦鸚人。

上巳日感懷

舊游桃李浣丘塵，十六年悲客裏春。浮白可能澆

醜磊，踏青聊且慰酸辛。蘭亭脩禊人何在，庾信傷心賦又新。芳艸換愁花，濺淚東風回首一露巾。

白菊

數枝的皜照秋清，何物為花乃寧馨。玉骨冰肌誇皎潔，風璫月珮想娉婷。霜迎葉上迷青女，露下籬邊泣素靈。見說寒英能愈疾，擬開三迳著茅亭。

紅葉

枝上萎黃慘未乾，嚴霜一夕總成丹。色烘曉日燕

脂暖影濯秋江蜀錦寒南雁數聲催晚晚西風幾
度見凋殘橫山樓下梨千樹每憶童年九日看

北宮

光泰門邊避暑宮翠華南去幾年中干戈浩蕩人
情變池島荒蕪樹影空魚藻有基埋宿草廣寒無
殿貯涼風登臨欲問前朝事紅日西沉碧水東

趙吉甫種德園

培植功夫與日新風光別是一家春三株槐茂堂
堪構九畹蘭芳佩可紉桃李陰成應有地棟梁材
出豈無人從今不羨燕山竇五桂聯芳老一椿

寄鄉中故人

十年夢繞故山薇世事悠悠與願違華表未成遼
鶴語青冥空羨塞鴻歸雲橫北嶺迷鄉眼塵滿西
風浣客衣為報吾州舊親識短書相慰莫令稀

送侯君美歸雲中

暫時相見又相違留歸天涯更易悲客淚清和秋

雨落鄉心杳逐朔雲飛路經險阻行須穩書報平安寄莫遲邂逅故人如問我為言負病未能歸

自趙城還府

簡子城邊過盡春却尋歸路並清汾落花亂逐溶溶水遠樹低連漠漠雲姑射雨晴山似染洞羊風暖草如薰獨怜疲俗誅求困愁歎聲多不可聞

讀唐詩鼓吹

傑句雄篇萃若林細看一一盡精深才高不似人

間語吟苦定勞天外心白壁連城無少玷朱絃三歎有遺音不經詩老遺山手誰解披沙揀得金

弔王內翰從之

往年高步到瀛州豈料東陵是故侯庾信竟歸周室老劉禎真有岱宗遊山瞻斗仰名空在桂折蘭摧恨未休鬱鬱佳城滹水上野烟寒草木經秋

上韓應州

天挺英雄入彀中堂自有古人風乘機力贊興

龍業唾手能收汗馬功四海威名方共仰一時才
武更誰同潁川不是留黃霸行拜中書作相公

懷劉京叔

奕世金蘭契於今只有君英才殊落、餘子譚紛
紛一別幾春草相思空算雲何時展良覲把酒共
論文

宿雲臺觀

趨程疲永路記宿喜琳宮蓮嶽三峯對松林一迳

通地偏殘暑失境靜俗塵空入夜清詩夢山泉落

枕中

中條阻雨

行李淹蒲坂歸期念晉州高風千葉下寒雨一山

秋澗響頻驚夢蟲聲亂入愁酒醒孤館裏心折大

刀頭

初秋雨後

積雨蕩煩暑迴風吹早涼老苔翻舊碧病葉墮新

黃久客應吾道浮生半異鄉
黑貂渾弊盡愁看一開箱

九日

幽□□懶慢令節廢招尋無復歡
娛地空驚□□□閉門黃菊晚
步傑紫苔深尚友陶彭澤悠然□
□□

鴈

北塞迎霜雪西風送雨翰
數行天澹々萬里路漫

漫日落秋聲急江空暮影寒
故人書斷絕矯首望雲端

幽居有感

閑居仍地僻門閉艸萊深
車馬無還往詩書有討尋
嚴霜催歲晚破屋覺寒侵
計拙煩親舊誰能數賜金

秋風亭故基

危亭冠雉堞飛構何崔嵬
一夕墮劫火變化成煙

灰頽基翳蓬蒿壞道封莓苔蕭條古城上空有秋
風來

除夜

三十七年過勞生強半休此心空耿々吾道每悠
悠感物百憂集思親雙淚流春風添一歲又是五
更頭

送李鄩二子還鄉

喪亂身為客淹流淚滿衣亦知生靈樂未卜有年

歸祖帳臨寒水仙舟漾夕暉春來一相送腸斷故
山薇

中書耶律公挽詞

虎嘯龍興際乘時自有人風雲開慘淡天地入絳
綸忽報台星坼仍傳薤露新斯民感無極洒淚叫
蒼旻

應州廟學釋奠

夜色齋厨肅秋風殿宇清右文遭聖代備禮引諸

生牢醴嚴三獻豆遵陳兩楹祭餘同飲福旭日樹頭明

送李端卿東行

故人有所適驅馬出東城紅樹添秋色青山滿去程曾為同省掾偏憶遠離情別後能相憶因風為寄聲

子猷訪戴圖

興盡空迴雪夜舟訪人虛語亦悠悠須知汾水多

奇士豈獨王家一子猷

梅影

隔窗渾似李夫人江月多情為返魂宛是依依舊顏色向人憔悴立黃昏

秋夜

寂々江城夜向闌西風吹鴈叫雲端一聲遠過南樓去月滿碧天秋水寒

臨潼溫泉

琢玉為池浴太真芙蓉花暖水生春誰知寂寞千
秋後留與行人洗路塵

長安早發

行李忽、灑水頭雨餘涼氣動新秋五更馬上還
家夢先逐西風到晉州

秋夜聞笛

雲淨寒空月滿樓何人橫玉叫清秋梁州才罷伊
州起不盡關山此夜愁

廢宮

斷磚殘礎碎盤花輦路荒涼蔓艸遮玉殿朱樓俱
不見壞牆蟻鱗遠人家

過茹越嶺有感

山川良是昔人非北望松楸淚滿衣三十餘年成
底事全家南渡一身歸

蒲津晚渡

黃河城下水泛、船去船來幾夕曛老盡津頭垂

釣客柳陰相對白鷗群


河汾諸老詩卷八終

布也皇慶癸丑友特命工鍛木以廣其傳然
 而諸老之學又豈專乎詩也出處大略已具
 前序今書是說以告夫後之學者不為無益
 云六月吉日尊賢堂高昂霄具白
 壬午春寓金陵烏龍潭上福清林茂之索予
 所鐫谷音許以河汾詩寄予予適遊棲霞未
 及相候遂乘春江花月夜掛帆歸隱湖每讀
 詩至金源氏輒有河汾諸老往來于胸中秋

來復溯洄秦淮訪廬陵周浩若示予斯編且
 促與月泉吟社同函分布予欣然訂正命侍
 兒效率更令筆法鳩工鋟木惜乎段菊軒山
 行圖以後尚逸一十有二篇隨索諸茂芝茂
 芝云即是浩若本始信異書不多見藏異書
 人更不多見也復索諸智林寺石石公曰
 予有抄本藏之久矣曰逸陳子颺八詠置敝
 簾中拂去麤塵相對展勘互成完璧真千秋

義事橫汾隱者 留亦為之解頤矣昔韓昌黎
 為國子博士與 孟郊張徹張藉會京師而有
 聯句摩圍閣老人跋云四君子皆佳士意氣
 相入雜之成文予今日四人相去數百里外
 萍聚南都輻輳河汾一集豈可無會合筆不
 以紀其勝亦他年展卷時一覽庶云足矣

毛晉識



神皇正統記

神皇正統記

神皇正統記

神皇正統記

神皇正統記

神皇正統記

神皇正統記

